

Minimo di 100 ambtenaar lo bay perde trabao: AVP KIER CONVERTI DEPARTAMENTO DI TURISMO DEN N.V.

ORANJESTAD (AAN) Dialuna 25 di mei ultimo na Tanki Flip, partido AVP y OLA a firma acuerdo di gobernacion y palabranan masha bunita a ser expresa di parti di Henny y Tico relaciona cu e cooperacion cu AVP lo bay tin cu OLA pa goberna Aruba.

Tico Croes a bisa cu "E gobierno nobo ta uno dinamico, progresista y cu miras pa futuro" y Henny Eman a bisa cu "E confianza entre AVP y OLA mester crece bek, pero loke si mester ta bon regla di antemano, ta e palabracionnan con ta bay goberna".

Palabranan masha bunita a ser expresa relaciona cu "Calidad" di gobernacion y con bon relacion di amistad tabata tin entre OLA y AVP durante nan 3 aña y mey di gobernacion.

Tur hende na Aruba a keda completamente babuca cu ministro Tico Croes tabata dispuesto pa entrega Economia y Turismo na ministro Beke y pa e mes bay sinta den departamento di Finanzas cu ta un departamento caminda den politica cuakier politico ta pone su mes for di tur proyecto y for di publicidad y sigur publicidad positivo pasobra den e situacion financiero cu Aruba ta aden actualmente, ningun politico cu sano huicio ta laga Turismo y Economia cay pa bay hinca su mes den un neishi di haraña manera finanzas.

Awor a bin resulta cu turismo y economia tambe a ser converti den un tutu completo durante ultimo gobernacion y kizas Tico a pensa, di un tutu pa otro no ta haci mucho diferencia?!

Dialuna AVP ta entrega turismo na OLA, pa riba e mesun dialuna 25 di mei 1998, AVP su ministranan demisionario contra tur conseho huridico, acorda pa ATA bira un NV y esaki ta loke nan no a pone OLA di antemano na altura di dje!!

Esaki ta e forma dinamico y progresista y cu miras pa futuro cu Tico y Henny ta bay traha cu OLA, cu awor ta bay keda sin turismo pasobra ora cu ATA bira NV, Lili no tin mucho cos di haci riba tereno

di turismo?

Laga OLA firma acuerdo di gobernacion y no pone nan na altura di fastballnan cu manera cometa tras di otro ta ser lanza contra nan, ta loke Henny Eman ta yama "palabracionnan bon regla di antemano con ta bay goberna"?

Esaki ta e muestra di bon relacion di amistad cu mester bolbe entre AVP y OLA pa duna calidad den gobernacion?

Mas tristo ta cu den e mesun documento cu a worde acorda pa haci ATA bira un NV, cuchio a worde pasa riba garganta di minimo 100 ambtenaar cu lo bay perde nan trabao y tur esaki ta bay cay riba ministro Beke cu mester bay rek su som cu e problema serio aki.

Tin un dicho cu ta bisa cu "den bida nada ta por nada" y e berdad a sali na claridad ayera ora cu e documento cu a drenta 22 di mei cerca ministro di economia Tico Croes y cu riba 25 di mei a worde acorda, pa asina pasa OLA un fastball magistral, a leak.

Trahadonan di departamento di turismo tabata den panico ayera ora cu e noticia aki a leak y segun informacionnan cu DIARIO a haya ayera durante dia, sindicatonan ta preparando reunionnan caba pa bay wak con nan ta bay bringa e decision pa kita 100 ambtenaar di ATA for di trabao.

100 mama y tata di famia ta core peliger cu nan ta perde nan trabao y manera cu e documento mes ta bisa, e cantidad di 100 ta e minimo, cual kiermen cu mas cu 100 por perde nan trabao.

Ta Finanzas a propone pa kita minimo di 100 ambtenaar di trabao y esaki ta otro medida scondi cu Henny, Tico y Manchi cu tog ta baha na awa, tabata tin prepara pa OLA ora cu nan a haci como si fuera cu na ta bay entrega turismo na OLA.

Contra consehonan huridico di departamentonan di gobierno, den pura ministranan demisionario di AVP kier haci ATA bira un NV.

Mirando cu AVP su ministranan te ainda ta demision-

Oranjestad, 22 maart, 1998

Z.F. R.R. Croes, Minister van Economische Zaken en Toerisme

Z.I.:

In een schrijven van de Directie Financiën van 3 maart, 1998 met onderwerp verzelfstandiging ATA (Punt 97 6594-97 720) stelt deze het volgende:

1. dat het grootste bezwaar van Directie Financiën om ATA te verzelfstandigen is dat de inkomsten uit logeergebasting en casinorechten de hekkensluiters zijn om de maandelijkse ambtenaren salarissen veilig te stellen.
2. Verder stelt Directie Financiën voor de verzelfstandiging van ATA te koppelen aan de afvloeiing van minimaal 100 ambtenaren.

In het schrijven, afgezien van de financiële consequenties voor Land Aruba, worden verder geen andere van belang zijnde negatieve gevolgen naar voren gebracht.

De positie van ATA, mede gezien de "position paper" van AHATA is dat:

De toeristen industrie "schreeuwt" om een verzelfstandige positie van ATA. Punt 3 van AHATA's "position paper" spreekt duidelijke taal: "The ATA has their hands tied financially and cannot implement the necessary actions to turn around the decreasing effect of our tourism industry". En verder: "We strongly recommend that ATA be privatized within the Government structure reporting to a Tourist Board with the Minister of Tourism as Chairman and consisting of expert Board members selected from the community at large and related government departments".

1. Het argument dat de inkomsten uit logeerbelasting en casino rechten de hekkensluiters zijn om ambtenaren salarissen te betalen, moet een argument mogen zijn om ATA niet te laten verzelfstandigen.
2. Het wenselijk is de inkomsten uit logeerbelasting en casinorechten een bestemmingsbelasting te maken waardoor er een garantie is dat bij een gebrek aan Lands liquiditeit de "generator" van onze inkomsten geen gevaar loopt.
3. De liquiditeits positie van Land Aruba gedurende 1997 een direct effect had op de daling van bezoekers en inkomsten en parten speelt in 1998.
4. Het uiterst belangrijk blijft een verzelfstandiging van ATA na te blijven streven.

G. Smithstraat 175 P.O. Box 1019 • Aruba • Dutch Caribbean

ario, ministro Beke como ministro nobo di turismo y economia por hala atras e decision tuma door di AVP su ministranan, pa asina por lo menos scapa hopi hende di no perde nan trabao y tambe percura pa gobierno no bay contra consehonan huridico duna door di su mesun depar-

tamentonan.

Palabra awor ta na ministro Beke pa e bay bisa pueblo y sigur trahadonan di ATA, kico e como ministro di turismo ta bay haci cu e idea magistral di Henny y Tico pa haci ATA bira un NV y cu mas cu 100 ambtenaar ta bay perde nan trabao.

LAGAMI CU CALCOGRA!!!

